

SI NUN AVISSI A-TTIA

L'acqua mi vagna e u vientu m'asciuca;
u suli chi stiddia mi runa ntesta:
ri la me vita, sulu chi m'arresta
stu beni chi-nnutrichi tu pi-mmia.

Quannu a matina mi nni vaju all'antu,
scunzultatieddu picchi lassu a-ttia,
a testa si cunfunni e-mmaciiddia:
mi viu piersu quannu manchi tu.

E'-llonga na jurnata ri travagghju,
e-ttutt'u juòrnu sanu pienzu a-ttia:
ra punte l'arba fina vimmaria,
ti pienzu sempri e spacimu picchi

si mi mancassi u pani, l'uogghju e u sali,
sugnu sicuru ca patissi i peni,
ma si n'avissi a-ttia ca mi vo bbeni
iu mi squagghjassi cuòm'a nivi o suli.

Rimmilli ancora, ciatu miu amurusu,
ddi paruleddi chi-ddicievi arsirà:
l'arma mi trega, u cori miu suspira
quannu t'abbrazzu e-ssi m'abbrazzi tu!

ENZO ROMANO